

Ургъц хуралгън түргяр кегдджанә

СТАВРОПОЛЬ, июлин 17. (ТАСС). Старопольск теегин дорд захар тәрәнә ургъц хуралгън дуусгдад, ода эврән йовдг комбайнс цувад, уулта райодур оч йовцхана. Крайин деед захин райодин ургъц хурадж дуусхар машид йовдж йовцхана. Ургъциг иигдж хурдар хуралгън крайд урднъ кезә чигн болад уга билә. Машидиг эвинь олдж олзлад, өдр-сө гилго багар көдлгәд, Ново - Александровск района колхозмуд болн совхозмуд, 68 минъгъ шаху гектар газрт бәәсн тәрәнә ургъцан зургъан хонгин дунд хадад унъгъачкв. Хадлгън, цоклгън хойрин хоорнд таслвр гаргълго, бааллсн тәрәгъән 10 хонгин эргцд цокдж дуусад, гектар болгъна-снъ 16 центнер цевр сән буудә авцхав. Эн джил йир ганъ-гта, хагсу бәәсн бийнъ иим ургъц авгдв. Ургъциг иигдж хойр анъглдз хаддж, цокдж

авсн уршгар, буудән геедрл-тнъ багъ болад, буудә баалдан хагсад, халун салькнд асхрдж, ундж үрсн уга. Тиигәд, Темижбекск буудән совхозд ургъциг хаддж унъгъачкад, цокдж авгдсн учрар, 50 минъгън центнер буудә әрвлгддж невр авгдв гидж тоолгдв.

Ново - Александровск район крайд түрүн болдж, ниднин-клә дүнъгцүлхд, нег сар эртгосударствд 4 сай үлү пуд буудә орулдж өгәд, зурагъан күцәв.

Ипатовск, Апанасенковск, Минераловодск райод бас государствд буудә орулдж өгх зурагъан күцәцхәв. Төрскнә закромд ставропольск 50 сай шаху пуд цагъан гуйрин буудә асхгдв.

Колхозмудт джилин түрүн өрәлд олсн күч-көлснә өдр-мүдт буудән аванс өглгън эклчкв.